

IN NATALI SANCTI IOHANNIS BAPTISTAE.

- 65 Leta dies prothobaptiste resplendet in orbe
 Eius ab exortu toto mirabilis aevo.
 Pneumate nam sancto plenus genitricis in alvo
 In Mariae thalamo clausum cognovit Iesum.
 Mox natus solvit mute retinacula linguae¹
 70 Iam iam se vocem verbi testando potentem.
 Hic quia gaudificat proprium natale quotannis,
 Testentur vestrum Bacheia munera² festum.

IN MEMORIA SANCTI SYRENEI.

- Optineat meritis in arce Syreneus almus,
 Gratia quo Christi cunctis vos protegat horis.
 75 Hereat huius amor vestris pectoribus, hortor,
 Cuius in hac patria splendent solamina clara.
 Ipse suis precibus solvat peccamina vestra,
 Corporis et mentis saevos dimoveat hostes,
 Virtutes tribuat, felicia tempora prestat,
 80 Impetret atque poli regnum sine fine beatum.

IN LOCO SANCTI IULIANI.

- Ferte deo claras claro pro martyre laudes,
 Auxilio cuius gaudet Aquitanica tellus.
 Personat en nobis Iuliani dulce vocamen,
 Existat nobis eius imitatio dulcis.
 85 Et quia vos Christus tanto ditavit honore,
 Sumite leneos eius amore liquores.
 Plane sacris precibus sanctum pulsemus eundem,
 Quo pie presentem foveat arconta Wilelmum.

IN LAUDEM WILELMI COMITIS.

- Inclite tu princeps, nativo germine preses,
 90 Primus amore tui formam prebeto bibendi.
 Vos fidi proceres circumpositique fideles,
 Principis exemplo vos exhilarate Falerno.
 Cui rex summipotens claros ita prosperet actus,
 Praevaleat cunctis qui sunt ubique duellis.
 95 Sic illum vobis, sic vos coniungat et illi,
 Quo pariter summos capiat in aethra triumphos.
 Theotocos kai partenos, cosmi basilissa
 Ypsyleon arkos si sit katfige per eon.

67 'Pneumate] spiritu' Hs. 68 'thalamo] utero' Hs. 70 'Iam
 tam' Hs.; 'potentem] Christi' Hs. 86 'l. nunc eius' W. 89 'preses]
 comes' Hs. 94 's. ut ubique' W. 96 'aethra] caelos' Hs. 97 'Theo-
 tocos] dei genitrix' Hs.; 'partenos uirgo' Hs.; 'cosmi basilissa] mundi
 regina' Hs. 98 'excelsum princeps tibi sit refugium per seclum' über-
 geschrieben Hs.

1) Arator I, 896 'Qui solvere nosti, | . . . meae retinacula tarda
 loquelae'. 2) Georg. II, 454 'Baccheia dona'.